

Capricho político a hiba e edificio den Wilhelminastraat den ruina

Segun Lider di AVP

ORANJESTAD - Ayera tardi Partido AVP a yama un conferencia di prensa den e ruina 'Arendsgebouw' den Wilhelminastraat.

E motibo cu AVP a tene e rueda di prensa na e sitio aki ta pa cada uno di tanto partido AVP mes y miembronan di prensa sinti realísticamente con tristo e desarroyonan na Aruba ta.

Esaki ta di dos conferencia cu partido AVP ta yama na sitioan específico p'asina ilustrá esaki mas mihó cu sinta duné na Cas di Partido.

E edificio di Arends aki ta un di e poco edificionan cu un arquitectura sumamente atractivo y esaki tabata e motibo cu gobierno di AVP na aña 1988 a cumpra e edificio aki.

Segun lider di AVP Henny Eman, solamente pa saca probecho político e coalicion actual a laga e

huur di edificionan so un suma di Afl. 4.030.3300,--.

AVP durante e conferencia di prensa a trece un biaha mas dilanti e tereno na Sabana Blanco banda di Cesar Terzano School, caminda gobierno a tira afó mas cu cinco miyon florin. Y awe por mira un edificio pará cu mester ta un orguyó di e país aki cu a para bira un ruina y costando pa aña aproximadamente Afls. 200.000,--.

E edificio a ser cumprá na 1988 loke kier men cu ya caba na interes so a bai perdí mas cu 1.2 miyon florin di pueblo.

Segun lider di AVP, e plan di AVP tabata pa pone Aruba su "stadhuis" of "City Hall" den e edificio aki.

E edificio aki tabata esun mas apropiá pa bira Aruba su Censo, muy en particular e entrada cu e trapi bunita lo ta e punto di casamento.

E di dos motibo tabata cu Staten mester di mas espacio.



Aki ta momento cu Patrick Paskel ta entrevistando un di e chollernan den e ruina na momento cu e tabata comiendo. Segun e dama aki tur dia e ta sali pidi p'asina e por come. Sinceramente un situacion hopi tristo.

edificio aki decaé pa bira un ruina.


Aki ta trata di un edificio cu intencionalmente a ser sacrificá pa purba di deshonra e opositoran di gobierno. Un suma grandi di placa a bai perdí solamente pa e partidonan di Coalicion purba di saca mas voto sin sinti cuanto daño ta ser hací na comunidad. E ruina aki ta reflejá na un manera penetrante con grandi e desgracia di Aruba ta segun Eman.

Na promé lugá por mira con gobierno ta gastando sumanan extravagante na huur di edificionan pa acomodá e gran cantidad di empeleadoran público. Por mira tambe den presupuesto di 1994 cu lo bai paga na

Desde cu Aruba a haña su Status Aparte y a bira país, Staten a bira e órgano di mas halto den Constitucion. Esaki ta encera cu mester di espacio pa por traha.

Usando e edificio aki lo haci trabao di gobierno mas eficiente tambe pasobra e intencion tabata pa sera e círculo aki, haci tur edificio di gobierno dor di cual tur e partinan importante di gobierno tabata cerca di otro y e ora ey tin tambe un centro di gobernacion manera hopi otro país.

Despues cu cinco aña largo intencionalmente ta laga e edificio aki decaé segun Eman, direpente na November 1993 a dicidí cu Procurador General mester



Aki por mira dirigentenan di AVP encabezá pa nan lider Sr. Henny Eman kende a duna un splicacion di henter e ruina den Wilhelminastraat. Riba e caranan por mira e expresion di e mal holó cu tin den e ruina. Di robes pa drechi; Sr. Gaby Werleman, Sra. Glenda Margaretha, Sr. Tico Croes y Sr. Henny Eman.

bin den e edificio aki.

Típico den esaki ta cu fin di aña 1993 ora cu a dicidí di pone Procurador General den e edificio aki inmediatamente a duna Landsrecherche e orden pa investigá e caso di compra di e edificio aki.

Awó direpente Ministro di Husticia ta duna orden pa investigá e asunto aki y dentro

di algun dia tin un rapport cu no tin nada den henter e compra di e edificionan pa haci un investigacion penal.

Staten tampoco a muestra ningun diligencia den henter e asunto desabrido aki segun Sr. Eman. Presidente ta yama dos biaha un reunion di comision riba e tópico aki na October 1990.

Dia 22 di Augustus 1991 atrobe e reunion aki ta ser convocá pero aplazá. Esaki ta repetí dia seis di Februari 1992 y riba 24 di April el a ser mandá pa Señioren Convent caminda nunca el a yega.

Awor direpente el a bira urgencia di gobierno y ta manda Staten. □

Nos Ta Bek Cu Hopi Smaak

Roseland

na Alhambra Shopping Bazaar

Awor Habri pa Desayuno



Champagne Breakfast Buffet

prijs: \$6.00
tur dia 7:30 pa 11:00 a.m.

New York Deli

habri di 12:00 di
merdia pa 3:00 a.m.
loke bo stoma ta gusta
na prijsnan
cu bo sako lo gusta

Dinner Buffet

prijs: \$12.50
habri di 6:00 p.m.
platonan diferente
tur dia

ARUBA'S #1 MOONLIGHT SHOPPING AND ENTERTAINMENT CENTER

Nombra "Miho Casino" pa e lectornan
di e revista "Caribbean Travel & Life"



DIVI RESORTS TEL.35000

ALHAMBRA CASINO